



Mia san Ottobrunner! Ottobrunner Leit!

Mia hamm a Herz für uns're Welt und hamm a'n Batz'n Schneid!

Mia san Ottobrunner! Ottobrunner Leit!

Mia fürcht'n Tod und Teifi ned und hab'n am Leb'n a Freid!

Bei uns war König Otto da,
auf seinem Weg nach Nauplia.
Die Ottosäul' erzählt bis heit
vo' derer oidn Zeit!

Die Säul', die hamma oft o'gschaut,
ham Häusl in den Woid nei baut.
A neier Ort erblickt die Sunn,
er heißt jetzt Ottobrunn!

Mia san Ottobrunner! Ottobrunner Leit! ...

Wir wollten net zu Haching ghern,
weil Haching war uns gar zu fern.
Da hamma gsagt, des geht net mehr,
a eigne Gmoa muaß her.

Und Ottobrunn jetzt lang scho bsteht.
Was d'Zukunft bringt, des wissma net.
An Frieden, wünschma, Wohlstand, Glück,
für unser bestes Stück.

Mia san Ottobrunner! Ottobrunner Leit! ...